

KO YASYA MUMUNI

2 Yaa. Sa eli i . . . [Ii mukwesu waamba, “*Eyi* ni maikrofooni yako.”—Mul.] *Eyi* nje mpatti na? Ndaku lumba, munene. [“*Eyi* ni maikkrofooni ibeleka.”] Iiyi, munene. Ncibotu. Nda bona bakali kutambula kujokoloka kwa majwi kuniini kusule okuya, alimwi aboobo . . . Mwajula, beenzuma. Sa mula konzya kundimvwa kabotu kusule oko? [Mbunga yaamba, “Iiyi.”] Eco caleka. Ndamu lumba.

3 Ndili muntu sicoowwe ncobeni, cifumo cino, kuboola kokuno aa cibumbili eci, kumane bumboni bulemu buli boobo bwapegwaa; kusola ku—ku bikka buyo kumbi aniini aceeco nco baamba, kuleta zilongezyo kuli ndiswe mbuli mbo twa botelwa cifumo cino. Lino, Nda bona bumwi bwabo bwali loko . . .

4 [I bubambe bwa PA bwacitya kujokoloka. Ii mukwesu wati, “Ndi yeeya kuti tweede kwiibikka, eyi, aakati, Mukwesu Branham.”—Mul.] Ncibotu, munene. Sa eco cili kabotu maningi?

5 A bamwi bantu awa, obo mbo baambaula, alimwi bunji bwa umwi aumwi . . . Ee, oonse ano wa jisi bumboni bubotu, kapati bukwelelezya. Obo Mbwe cilumba eco, obo bumboni bubotu bwa Mwami!

Lino tula langanya Ijwi.

6 Elyo Mebo, mvwiki eyi, Ndi jisi kukanza mu moyo wangu kutali kubamba bantu aya maora obilo na otatwe, kabakkede, ku swiilila kuli ndime. Nda mwaambila kaambo Nce—Nce citila ceeco, beenzuma. Nse yiide, alimwi Ndi konzya buyo kukanana ku bunanike. Lino, muntu ujisi lwiiyo, cindi ano nanikidwe, awalo; pele ula konzya kupandulula eco nca ambaula, ku lwiiyo lwakwe, kuleta mabala aya kulekela bantu kuziba eco ncaambaula. Kakutakwe lwiiyo, Nde elede kubweza ziiminizyo zya bulenge a kutondezya kwiinda mu bunanike obo Mbwe jisi. Elyo eco cicibamba kuyuma kapati, ziindizimwi, ku bantu kumvwisya ncobeni. Tu jana kuti Nda kali nyongene loko kujatikizya ncico kusikila Nda kajana mu Bbaibbele kuti Leza wakacita mu ciyanza nciconya, nzila nzyoonya.

7 Tula bona, mbuli Johane Mubapatizi, kwalo tatu jisi bulunguluzi bumwi bwa lwiiyo lwakwe, elyo mpawo, cindi na—cindi na kazwa mu nkanda, wa katalika kukanana ku i—i . . . mbunga yakwe, mbungano ya buzuba obo. Elyo tula bona nzila mbwa kacitondezya. Wa kati, “Nywebo nonzialani ya nzoka.” Mwabona, eco nca kabelesya, bulenge a nkanda; mu majwi ambi, cintucimwi cipyungi a citasyomwi, a ceena. Lino, bantu bamwi bambi kwayanda niba kakonzya kuzibya mabbala amwi oyo wakalino amba kuti “basikulicenggezya” na bbala limwi ndya kalino konzya kutondezya ceeco. Pele Johane waka belesya bbala

lya "nzoka." Ndi yeeya kuti bantubonse bakamvwisya eco nca kali kwaambaula.

⁷ Aboobo mpawo wa kati, "Muta taliki kuyeeya kwaamba mu myoyo yanu, kuti, 'tu zulilwa kuli *eyi* alimwi tu zulilwa kuli *eyo*,' nkaambo Nda mwaambila, Leza ulakonzya ku mabwe aya ali waano," mwabona, mwabona, kutali amwi aambi mapati. "Leza ulakonzya ku mabwe aya." Wa kacitondezya mu bulenge.

⁸ Elyo, akwalo, "I keembe kali bikkidwe ku muyanda wa samu." Mukwesu umwi wakaiya kabotu, a bunanike obo mbubonya, kwayanda nakati, "Uyo nyonyooka do." Wa kati, "I keembe kali ku muyanda wa samu." Ako kala linyonyoona do, nekuba, mwabona, aboobo wa—wa kalizi kuti mbo cakali cinzi. Wa kajisi buyo bupanduluzi obo, nkambo antela taka jisi kwiiya kumwi.

Atu kotamike mitwe yesu asyoonto buyo.

⁹ Ndi jisi nkumbizyo awa zya mipailo. Uuli, oyo ngo mulimo wangu, ku kombela balwazi. Ndi jisi nkumbizyo zimwi mukati omuno, nkumbizyo zimwi zibotu loko. Elyo Ndi lizi kuli zinji mukati omuno. Elyo ikuti na kuli bamwi, cifumo cino, abo bayanda kwibalukwa? Ee, mwalombwa mutambike buyo maanza anu kuli Leza, kwaamba, "Nda . . ." Lino amu jatilile buyo nkumbizyo zyanu kuciindi notu komba.

¹⁰ Taata wesu Wakujulu, lino twa swena ku Busalali Bwako, kwinda mu Zina lya Mwana Wako Uusalala, Mwami Jesu, ku lomba cikombyo eci, ca umwi aumwi wa bantu abo calembwa mu nkumbizyo zyabo, eco Nce jisi omuno mu janza lyangu. Kapati oyu mwana musimbi mukubusyi wa mukwesu, oyo waka zapaulwa mu ntenda eyo. Nda kombela mwana oyo, Mwami. Elyo Nda kombela nkumbizyo zyoonse zimbi. A zimwi zyakaziye kuli ndiswe lino, biyo kuli baabo batambika maanza abo; pele Nduwe Leza mupatikampatila, alimwi Uli zyi akamwi kaambo a nkumbizyo zyesu zyoonse. Twa komba kuti Uyo vviila. Nkaambo Wa kacisyomezya, tula cisyyoma.

¹¹ Elyo twa lomba lino kuti Ubweza majwi aya masyoonto nge tuta bale, a kwaananika kuli ndiswe, Mwami, mbuli mbo tu Ku lindila. Akube kuti Muuya Uusalala uswene munsi kuli umwi aumwi, a kuyubununa bupanduluzi bwa Ijwi kuli ndiswe. Nkambo twa cilomba mu Zina lya Jesu. Ameni.

¹² [Ii mukwesu waamba, "Mukwesu Branham, sa inga twa bamba kusoleka a kubona ikuti na inga ilabeleka?"—Mul.] Iiyi, munene, mukwesu, koli gwasya buyo. Eco cili kabotu. Kuciindi Ne jula lino, Ndi jisi ii . . .

¹³ Kwakali kunga Nda kali kukonzya kwaa yeeya Magwalo angu a zintu, kakutakwe kuba a ii—ii bulempo, pele kuzwa ni Nda kainda makumi obilo ayosanwe, eco ta cicibeleki kabotu loko. Nde elede ku ciyeeya kwiiinda ku kucilemba. Lino tula . . .

¹⁴ Sa oko kuli kabotu? Sa inga wacimvwa kabotu eco? Peepe. Kusule, bali mukuzungaanya mitwe yabo. Ndiza...[Ii mukwesu waamba, "Yebo weelede kwiimikila munsi kumbele lyayo."—Mul.] Weelede kwiimikila...["Nkoonya kumbele."] Oho. Elyo mbobuti eci mbocinga caba mbuli *eci*, sa inga wacimvwa eco? Mbobuti kujatikizya *eco*, *eco* cili kabotu na? Ncibotu. Eco calulama.

¹⁵ Lino Ndi yanda kuti mupakamane kuli—kuli Isaya 42:1-7, alimwi akwalo kuli Matayo 4:15-16.

Amubone mulanga wangu, oyo Ngwe simpikizya; musale wangu, muli nguwe buntu bwangu bula botelwa; Nda kabikka muuya wangu ali nguwe: uyo leta lubeta kuli Bamasi.

Ta kalili, nanka koomoka, nanka kucitya jwi lyakwe kumvugwa mu kagwagwa.

Ii tete lyaka cuzaulwa kali katyolwi,...kamuni kasuka taka kazimwi: uyo leta lubeta mu kasimpe.

Ta kakakilwi naanka kutyompwa, mane aka bikke lubeta ku nyika: nkabela tusuwa tuyu lindila mulao wakwe.

Mbwa amba... i MWAMI, oyo wkalenga majulu, akwa vungulula; oyo waka vungulula nyika, aceeco cizwa muli njijo; oyo uupa cinkwa ku bantu bali ali njijo, a muuya kuli baabo beenda muli njijo:

Nde MWAMI nda kwiitila mu bululami, alimwi njo jatilila janza lyako,...njo kubamba, a ku kupa cipangano ca bantu, kuba mumuni wa Bamasi;

Ku kujula... meso boofu, ku gwisy... baange kuzwa ku intolongo, a baabo bakkede mu mudima kuzwa ku... ng'anda ya ntolongo.

¹⁶ Elyo lino mu Musalali Matayo 4, kutalikila kampango ka 12, tula bala boobu.

Lino cindi Jesu nakamvwa kuti Johane waka bikkwa mu ntolongo, wa kazwa kuya ku Galilaya;

...kuzwa mu Nazareta, wa kaboola a kukkala mu Kapenaumu, eyo ili aa nkowmwe ya lwizi, ku minyinza ya Zabuloni a Nefutalimu:

Kutegwa ku zulile oko kwa kaambwa a Isaya musinsimi, kuteeti,

I cisi ca Zebuloni, a cisi ca Nefutalimu, kwiinda ku nzila ya lwizi, kwiindilila Jordano, Galilaya ya Bamasi;

I bantu baka kkede mu mudima bakabona mumuni mupati; elyo kuli baabo baka kkede mu zisi zya zimvule zya lufu mumuni waka bapasukila.

*Kuzwa ciindi eco Jesu wakatalika kukambauka, . . .
kwaamba: Amweempwe: nkambo bwami bwaku julu
buli afwaafwi.*

¹⁷ I Mwami alongezye Ijwi Lyakwe! Lino ciiyo cangu cifumo cino ncakuti: *Ko Yasya Mumuni*. Elyo cakufwambaana buyo mbuli Mbwe konzya, kutegwa mukonzye kuzwa ku cipangano eci citobela lino, eco ciyooba mu maminiti atandila ku makumi one aosoanwe.

¹⁸ Nywebo balizi, Ba. Mc Anally, Ndi yeeya kuti nkobali. Nda bona traki lyakwe anze. Ciindi cimwi cainda, twa kali kkede, lumwi lwa nyendo zyangu zitaanzi okuno ku Arizona, kuunka kuyovwima. Twa kali kkede awa munsi lya Superstition Mountain. Nda ka umvwa kwa ciindi cilamfu, a kumvwa zinji zya zyaano zya kaambwa kujatikizya Malweza. Nda yeeya ku kuulangila, kwaciindi citaanzi; eelyo kakutana kuca, a cimvule ca ceelo cipati caka lengelela kujwe lyangu, eco caka zizibwa mbuli Malweza. Nda kamvwa kujatikizya bama India, obo mboba takali kukonzya kuunka munsi lyawo, obo mbo bakali kuyoowa, obo bana Spanish mboba kabapenzya mu mazubala mataanzi cindi nibakali kuvwima ngolide. Ba katli kutaminina kuti myuuya mibi yakali kupona muli nguwo. Koonse oku kwa kakopa kuyandisya kwangu kuti ndizibe. Pele Nda kajisi biyo muzenge, wakubelsya kubona Malweza, lutaanzi.

¹⁹ Elyo mpawo Nda kalangilila kusikila, kwiinde kaindi, bupati bwa zuba bwakatalika kweenda aatala lya mudima. Elyo cindi ni bwakacita, bwaka pambula mudima kuzwa ku mumuni, a kusungilizya mudima kujoka. Kumalekelo, bwa kabuka ku ciimo cabu cipati, atala lya mulundu, nkabela caka tondezya wa Malweza obo mbwakabede. Lya kamweka a kutondezya mbo wakabede. Elyo busangu boonse a kuyoowa kuti Nda kajisi zya Malweza, cindi zuba nilyakali kumweka mu nguzu zyalyo aali nguwo, zyoonse zyakamwaika.

²⁰ I zuba ngo mwaami wa mimuni yoonse aa nyika eyi, mu mimuni yakunyama. Takukwe makani kunji kwa mumuni wakapangwaaabantu ngo tukonzya kuba awo, a kuvula kwa mitunga ya magesi mapati ngo tukonzya kupanga; cindi eelyo zuba lyapasuka, yoonse imwi ilazima.

²¹ Eco nee cintu nciconya mbocibede ku Ijwi lya Leza. Cindi Ijwi lya Leza lya pasuka, malweza oonse, ciimo cakwiindilizya catubungwe a zintu, zilamwaika koonse, alimwi cila citondezya mbubonya buyo mbo cibede. Leza, ku matalikilo, wakati, "A kube mumuni." I Mumuni uboola biyo, Mumuni wini, Mumuni muapati, uboola kwindaku Ijwi lya Leza. Leza waka pambula mumuni kuzwa ku mudima, ku matalikilo. Alimwi Ijwi lya Leza, lya yubululwa, lyoonse lipambula Mumuni kuzwa ku mudima.

²² Bantu bala konzya kubuka a *ceeci*, *eco*, na *cimbi*; nkamu zyatulengwa inga zyabuka, Kkomunizimu, Fascizimu, a toonse

tukamu tumbi twatulengwa twabuyo inga twabuka; malweza, tukamu twa nguzuuzu, kufumbwa mbo cinga caba, inga cabuka. Pele cindi oyo Mumuni mupatii wa Bbaibbele wapasuka, malweza oonse a zintu... Pele, nywebo mwabona, tu lizi nko uili, pele kusikila Wa simpikizigwa, ulatondezya Mumuni Wawo; mpawo ta tujisi nguzu zya kukazya Ceeco, nkaambo Ujalila mumuni oonse umbi. Jesu wa kaamba, "Majwi aa muntu oonse abe abubeji, elyo Aangu abe Bwini." Ijwi Lyakwe lilainda kapati ku majwi aa muntu oonse, koonse, kufumbwa amwi. Ijwi Lyakwe Mumuni.

²³ Elyo tu lizi kuti ku matalikilo kweelede kuti kwakali sikunku a kusiyasiya a kusiya, mbuli inyika mbo yakali kuzunguluka, elyo cindi Leza naka ziba kuti Wa kali kuyandikana mumuni. Lino, mbuto Yakwe yakali kale mu nyika, nkaambo Wa kaisyanga okuya. Lino Wa kali kuyandikana mumuni wakumenya mbuto eyo, kubamba mbuto eyo kupona, nkaambo mbuto yakali kale omuya.

²⁴ Mboli buyo mbo cibede mu bukkalo abukkalo, Leza waka twaambila kale kumbele eco ciyo citika mu bukkalo abukkalo. I cintu buyo Nca yandikana nkuyubulika kwa Mumuni wa Leza aa Lugwalo olo, ku lubamba kuponena bukkalo obo. Buyo...?... Elyo luyo cicita kufumbwa kuti Mumuni wakonzya kusika ku Ijwi. Ikuti na Ijwi lya kamena, Liyo libamba kupona ikuti na ncisyomezyo ca buzuba obo.

²⁵ Inga wasyanga whiti ku ciindi cimwi, na museke ku ciindi cimbi. Zimwi zila muka loko kwinda zimbi, nkaambo ciyaamina ku ciindi ceelede.

²⁶ Ijwi lya Leza liboola mu ciindi ceelede, mulao a luzyalo, azimwi zimbi, mbuli mbo twa kazumanana muciindi ca makkalo. Elyo, ciindi aciindi, nibwa kamunikilwa kwiinda ku luyubunuko lwa Mumuni kuya bumwaya i—i Buumi buli mu Mbuto.

²⁷ Ku Ijwi lya Leza, zuba lilamweka sunu, nkaambo zuba ndilyonya eelyo ndyo tubotelwa ndi Ijwi lya Leza lyaka yubululwa. Oyu mumuni wazuba nguonya ngo tubona aanze tacili cintu pele Ijwi lya Leza, cindi Na kat, "A kube mumuni."

²⁸ Elyo ino kuti Na kaamba kuti, "A kube mumuni," nkabela kwakanyina mumuni? Mpawo taakali Leza wakaamba. Cindi Leza aamba, "A kube," ku yooba. Elyo aboobo tu jana kuti zuba ndyo tubotelwa eno nkutondezegwa kwa Ijwi lya Leza lyakaambwa mu Matalikilo.

²⁹ Elyo tula mvwisya kuti Mumuni wa Leza wa buzuba walo Mwana Wakwe. Umwi wakali z-u-b-a; oyu ngu M-w-a-n-a. M-w-a-n-a ndi Bbaibbele. Wa kali... "Ku matalikilo kwakali Ijwi, Ijwi lyakali a Leza, nkabela Ijwi wakali Leza." Bahebrayo 13:8, "Ngu mbobuca nguwenya, sunu, amuya myaaka." Ndi Ijwi lya Leza, lyoonse. Wa kali Kristo muli Nowa. Wa kali

Kristo muli Musa. Wa kali Kristo muli Davida oyo wakalangwa, mbuli mwaami waakakwa, ku muunzi; oko, myaka ili myaanda ya lusele niyakainda, Kristo waka kkala alya koomokela muunzi, mukuba Mwaami waakakwa, mbuli buyo Davida mbwa kabede. Walo Muuya wa Kristo lyoonse. EAlimwi kutondezegwa kuzwide kwa Ijwi lya Leza kwa kayubununwa muli Jesu Kristo, Muuya wa Leza.

³⁰ Taakwe buumi bukonzya kuyutuka aanze lya mumuni. Mumuni uuleta; mumuni uleta buumi. Taku konzyi kuba buumi—buumi aanze lya mumuni, kunyama na kumuuya. Kweelede kuba.

³¹ Elyo Mumuni alikke nguu konzya kuboola kwiinda ku Ijwi lya Leza. Ijwi lya Leza ngo Mumuni cindi Wa yubululwa. Ni Mbuto buyo ikkede awa, mbuli Leza mbwa kasyanga imbuto zyoonse.

³² Mibili yesu yakali aa nyika kakutanaba i...ee, ee, kakutana kuba mumuni uli oonse awa, buumi buli boonse awa, na kufumbwa cintu; kkaushiamu, potashi, petroliamu, a mumuni wa kkozimiki, kufumbwa, ca kali waano—ca kali waano cindi Leza nakalenga nyika. Ca katolela biyo Ijwi Lyakwe lyakaambwa ku cileta mukuba, mbuli buyo mbo cakacitila buumi bwa mani, na buumi bwa masamu, cintu, na kufumbwa buumi obo bweelede kuba.

³³ Taakwe cintu cikonzya kupona, kunyama na kumuuya, kakutakwe Mumuni Wakwe, nkabela Ijwi Lyakwe Mumuni a Buumi.

³⁴ Pele cindi Atuma Mumuni Wakwe a Kuu zibya ku bantu, elyo mpawo Wa kakwa, mpawo ncinzi cijatikizya ceeco? Eco neco tuyanda kwaambaula cifumo cino, nkuti: kukaka Mumuni oyu, kuli mbabo Nko utumwa, kuukaka mbuli buyo mbo cakabede kaindi. “Amubone mulanda Wangu, Oyo Ngwe botelwa.” Walo Mumuni kuli Bamasi. Walo Mumuni ku inyika. Wa kali Mumuni wa inyika, pele Wa akakwa. Eco ncibeela cakuusa.

³⁵ Elyo cila zulizya ciimo eco ciindi coonse Leza nayubulula Mumuni Wakwe, inyika lwayo ilaukaka mumuni oyo. Nkaambonzi? Kuli lembedwe moonya mu Bbaibbele. Bukkalo abukkalo, Leza wa kapa kuli boobu kujatikizya Ijwi Lyakwe lya bukkalo abukkalo, alimwi lyoonse Utuma muntu umwi wa kuyubulula Ijwi eelyo.

³⁶ Jesu waka sinsimwa kwa myaka ili zyuulu zyone, kuti Uyo boola, Mesiya. Elyo cindi Na kasika, Wa kayubulula zisyomezyo zyoonse zya Mesiya. Pele nekubaboo bantu ba inyika, mambungano, azimwi zimbi, teeба kaziba cintu kujatikizya Nguwe, aboobo, nkaambo ba kanjide mu cintu cimwi cimbi eco cakaba tantamuna ku kuziba Ceeci. Lino ino kuti ii—ii muntu buyo...

³⁷ Tuyo bweza cibela cakunyama. Ino kuti muntu, oyo wakazyalwa awa kweendela mu mumuni wa zuba eelyo, eelyo Leza ndya kamulengela, alimwi, cintu citaanzi mulizi, wa jala meso akwe, azuzila mu kaanda kaansi, kujala mulyango, kuleke cimvule, a kukaka ncobeni kuziba kuti zuba lilamweka? Ukaka zyoolwe zyakwe. Ukaka mitunga yawo iikasaala, kasensa kako kapa buumi. Ukaka mumuni oyo ngo umwaya kutegwa akonzye kubona oko nkwaya, oko nkwa kazwida. Ula ukaka oyo. Ino inga waamba nzi ku muntu oyo waka lekela cimvule, na kuzuzila mu kaanda kaansi a kujalila mumuni oonse, koonse, a kukaka ncobeni kuzumina kuti zuba lyakali kumweka? Kuli cintucimwi cilubide mu kuyeyya kwa muntu oyo. Kufumbwa muntu ulizi obo. Ii mizeeo yakunyama iyo kwaambila kuti kuli cintucimwi cilubide ku muntu oyo, kuti uli obo, uli-uli... Cintucimwi cakacitika kuli nguwe. Wa kasweekelwa kubuzyabuzya kwakwe.

³⁸ Ee, mbubonya mbocibede mu maora ayo nge tu pona, cindi muntu aa kulivumba mwini a musyobo umwi wa—wa ntamizyo, mubwini kuziba Mumuni wa Makanimabotu mbuli Mbo umweka mbuli Mbo ubede sunu. Cindi muntu a Ukaka acaali, unjila mu cintucimwi aku jala kketani, kwaamba, “Nse Ci syomi,” kuli cintucimwi cilubide ku muntu oyo. Kwiina nzila yaku cilanganya. Kuli cintucimwi cilubide. Cintucimwi cakacitika kuli nguwe. Elyo tu jana kuti kuli kunji oku, kunji oku ca ceeco sunu.

³⁹ Lino, Jesu wakali bumboni boonse bwa basinsimi baananikidwe. Alimwi zisinsime zyabo zyoonse zyaka letwa ku Mumuni mu bukkalo Bwakwe, ezyo zyaka sinsimwa ku bukkalo Bwakwe. Wa kayasya nkendulo yoonse ya Ijwi eelyo lyakali mu Bbaibbele, lyaka sinsimwa Nguwe. “Ii nakalindu uyo mita.” Waa kacita. Yaa. “Zina Lyakwe liyo tegwa Sinkuta, Sibwami wa Luumuno, Leza Singuzu, Taata wesu Uteeli.” Mbwa kabede. “Elyo meso aa boofu ayo bona.” Ba kacita. Zintuzyonse zya kasinsimwa Nguwe, zyaka citika cindi Na kasika aa nyika.

⁴⁰ Elyo kaambo bantu ncibaata konzya kucibona eco, eco cakali... Ci boneka bweenzu kuli ndiswe lino, nkaambo tu langa musule kwiinda mu ciboniboni citondezya zili musule. Pele sa wakasola kuziba, ikuti na wazumanana kulanga kusule lya nzila eyo, uyo cita ntenda? Atu lange eco cili kumbele lyesu.

⁴¹ Nce ncico ncobakali kucita. I kaambo ncoba kacitila ceeco, nkaambo bakali kuponena mu kubekema kwa mumuni umbi. Kwakali kupona mu kubekema kwa mumuni wa buzuba bumbi.

⁴² Elyo nce ncico Nce syoma kuti nde penzi ku inyika sunu, beenzuma, nkaambo kakuti tu soleka kupona mu kubekema kwa mumuni oyo wakamwekela buzuba bumbi. Ii kubekema walo mumuni walweeno.

⁴³ Mbuli buyo kubalama mu mugwagwa. Tula selemuka mugwagwa akubona kubalama. Muzeezo walweeno ku zuba. Elyo cindi wasika okuya, ta cileti cintu pele cintucimwi ca lweeno. Nkaambo, to konzyi kweenda mu kubekema kwa zuba, nkaambo nkubalama, lyoonse kukutondezya cintucimwi citako kuli ncico.

⁴⁴ Elyo cindi bantu basola ku mwaambila kuti Jesu Kristo tali mbobuca nguwenya, sunu, amuya myaaka, bala kusololela mu kubalama. Kwa mana. Elyo cindi wanjila mu mbungano a kusangana mbungano, kayanza kamwi katontola na cintucimwi mbuli ceeco, takukwe cintu okuya, cita buyo eco neco kajisi mu nyika.

⁴⁵ Andi kwaambile. Uta ukaki Mumuni wa Makanimabotu aa Jesu Kristo, oyo uleta mitunga ikasaala ya Muuya Uusalala aali ndinywe, ku mubamba cilenge cipyapli mili Kristo Jesu. Uta soli kweenda mu kubekema kumwi kwa bukkalo bumbi. Lino, oko kubekema inga kwakali kabotu mu bukkalo bumbi, inga kwakuli kabotu kuli mbabo.

⁴⁶ Ca katondezya boobo mu buzuba bwa Mwami wesu Jesu. Wa kali Mumuni wa Lugwalo wa buzuba obo. Wa kali Mumuni. Ta kali Mumuni kusikila Na kasika aa nyika kuzo simpikizya Ijwi lyaka syomezegwa. Nywebo mulizi, Wa kati okuya, "Johane wakali mumuni ubalama a kumweka, nkabela mwa kayanda kweendela mu mumuni wakwe kwa ciindi cisyoonto."

⁴⁷ Nincobeni, nkaambo Johane waka sinsimwa a Isaya, myaka ili myaanda ili ciloba a kkumi aibili kakutanaba kuzyalwa kwakwe, kuti, "Ii jwi lya umwi liya koompolola mu nkanda." Elyo mpawo awalo Malaki, wamananino ku basinsimi, myaka ili myaanda yone kakutanaba kuboola kwakwe, mu cipati 3 ca Mal-... ca Malaki, wa kati, "Amubone, Nda tuma mutumwa Wangu kumbele lya busyu Bwangu, kuti akabambe nzila."

⁴⁸ Ngooyu Johane kali aa nyika, kabamba Ijwi eelyo lyaka lilemedwe kupona. Wa kali jwi lya umwi woompolola mu nkanda, alimwi walo lyoonse... akwalo wakali kubamba nzila kumbele lya Mesiya. Elyo Jesu wakati, "Mwa yanda kweenda mu mumuni wakwe, nkaambo wa kali mumuni oyo, mumuni umweka maningi."

⁴⁹ Elyo Johane, wa kati, "Lino Nde elede kuceya, mumuni wangu weelede kuzima, nkaambo (nkaambonzi?) Nda kabeleka ciindi cangu eco caka sinsimwa ndime. Amu Mu swiilile! Ngo Nguwe. Amu Mu tobele." Li lapona mu buzuba obo, lya katondezya ceeci.

⁵⁰ Lino, ba Juda bakali kuyeeya kuti bakali kukomba mu Mumuni wini. Ba kali kuyeeya kuti bakali kukomba, Leza oyu nguwenya ngo bakali kukaka. I nguonya oyo ngo bakali kuyeeya kuti bakali kukomba, bakali kubambula. Ba kali kufubaazya

Leza nguonya, a ku Mu bamba kuba cisesyo ca bantu, nguonya Leza oyo ngo bakali kuyeeya kuti bakali kukomba.

⁵¹ Akube kuti Nda ambe ceeci ca lulemeko a bulemu, pele kuleta Mumuni, nkaambo, mbuli mukwesu wesi mbwa kwaamba kaindi kainda, kuti tu pona cakumuka kwiinda mbo tuyeeya kuti mbo tubede. Bumwi bwa mazuba aya cintucimwi ciyo citika, ciindi cino manide. I bantu bayo bweza caando ca munyama, mukutaziba akwalo eco ncobali mukucita. “Boofu basololela boofu, boonse bayo wida mu dindi,” Jesu wakaamba. Elyo tu pona cakumuka kwiinda mbo tuyeeya. Bantu banji basyomeka bala citabela eco, mukutaziba akwalo eco nco bali mukucita.

⁵² Pele oora lili awfaafwi lino cindi Mumuni noumweka, i Mumuni wa Makanimabotu, mu nguzu Zya mbubo zya bubuke bwa Jesu Kristo, kalyubulula Mwini kuti Jesu Kristo ngu mbobuca nguwenya, sunu, amuya myaaka. Wa kaabilo eco ku buzuba obuno. I zintu Nzya kasyomezya ku buzuba obuno zyeellede kucitika mu buzuba obuno. Ikuti na mbungano taika Li tambuli, Leza ulakonzya kubusya mabwe aya kuba bana ba Abrahamu. Uyo manizya Mulumbe Wakwe, nkaambo lyoonse Wa kacicita. Uyo cicita lyoonse.

⁵³ Bantu bayeeya kuti beendela mu Mumuni, tunsiyansiya twa mawisi, elyo, cintu citaanzi mulizi, baleendela mu kubekema kwa mumuni, kutali Mumuni nguonya, bakaukaka nguonya Mumuni oyo ngo bataminina kukomba.

⁵⁴ Milimo Yakwe yaka simpikizigwa cakumaninina kuti Wa Kalini. Jesu wakati, Mwini, “Amulingule Magwalo, nkambo muli Ngawo tuyeeya kuti mujisi Buumi Butamani, alimwi Nge Ngawo a Ndi lungulula. Nguni ukonzya ku Ndi pa mulandu wa cibi?” Wa kati, “Nguni ukonzya kutondezya kuti Nda kaamba cintu cili coonse, na kutaminina kuli koonse Nkwe kabamba, oko Taata Wakujulu nkwatana kusimpikizya muli Ndime?” Watondezya kuli ndinywe kuti Wa kali Mumuni wa oora, nkaambo coonse cakasinsimwa kuti oyu Mesiya akabe munzila eyi, alimwi mpaawa casonsa ku Buumi, pele tunsiyansiya twabo twakali bapambwide kuzwa ku Mumuni wini wa Ijwi.

⁵⁵ Bafarisi, Basaduki, ba Herodiasi, akufumbwa banga baba, bak bikkide inyika mu kulambana kapat, mbuli mbo bakacita mu makkalo oonse, cakuti tiiba kakonzya kuubona Mumuni wini. Wa kazima meso abo. Ba kazibide kweendela mu kubekema, “Buzuba butobelaa buyooba *boobu*, alimwi juunza kuyooba *boobu*. Tuyo sangana *eyi*, alimwi iyooba *eyo*. Tuyo sangana *eyo*.” Tu jana kuti nkubalama kwalweeno.

⁵⁶ Jesu Kristo ngwa kasimpe ncobeni asunu, ku moyo wa muntu, mbuli Mbwa kabede lyoonse. Nguzu Zyakwe a Busyu Bwakwe bupona mbwa kasimpe buyo mbuli mbo bwakabede lyonse. “Amubone, kaindi kaniini, nkabela inyika taika Ndi boni

limbi. Kosmosi, ‘bubambe bwa inyika,’ taika Ndi boni limbi. Nekubaboobo, muyo Ndi bona; nkambo Njo oba a ndinywe, nomuba muli ndinywe, kusika ku mamanino aa inyika. I milimo Nje cita muyo icita anywebo, yalo mipati maningi kwiinda eyi muyo icita, nkaambo Nda inka kuli Taata Wangu.”

⁵⁷ Eco cisyomezyo cipati nkocili asunu. I inyika ili ofweede mbuli mbo bakonzya kuba, pele kuli i “nywebo muyo Ndi bona,” alimwi eco ncencico nco tuli mukusola kuleta sunu. Eco Makanimabotu aazwide, ncaamba, nku tondezya Jesu Kristo mu nguzu zya bubuke Bwakwe, a buzule boonse bwa zisyomezyo Zyakwe; kuti Muuya Uusalala uyubunune zintu ezi a ku zilulamika, Leza nzya kasyomezya, nkabela Uyo cicita. Iiyi, munene.

⁵⁸ Wa kasimpikizigwa cakumaninina kwiinda ku i—i Ijwi a kwiinda ku milimo eyo Nja kali kucita, pele taakwe wabo wakali kuyanda kwiisyoma. Katondezya Mumuni Wakwe kuti lyakali Ijwi! I Ijwi lya ka caamba kuti, “Amulingule Magwalo.”

⁵⁹ Pele tunsiyansiya twabo oto ntobakali kuponena mo, kubekema kwa bukkalo bumbi! Ba kati, “Tu syoma Musa; Musa walo ngo tusyoma. Ta tuzi oko Nko kazwida. Nkokuli Nko kajana lwiyo Lwako? Ncinzi Nco konzya kutondezya kuti Uli Obu?”

⁶⁰ Milimo Yakwe yaka lungulula kuti Wa Kalini, ikuti nibakali balide ncobeni Bbaibbele. Ba kali ku Li bala, pele tiiba kakonzya ku Ci bona. “Milimo yangu ila Ndi zibya.”

⁶¹ Ii muntu ula zibwa ku mapepa a zyeelelo zyakwe, mapepa a zyeelelo zya Ijwi lya Leza, ikuti na wa katumwa aa Ijwi lya Leza antomwe a Ijwi lya Leza. Mbubonya mu makkalo oonse! Mbo cakabede lyoonse.

⁶² Ta tukonzyi kuponena ku mumuni wa jilo. Mumuni wa jilo makani akale. Ta tuzi cintu cijatikizya ncico. To konzyi kukasaala sunu kwiinda ku zuba eelyo limweka jilo. Eelyo nde penzi ku mambungano sunu. Eelyo nde penzi ku bantu, bali mukusola kuponena kuli eco cakacitika jilo. To konzyi ku kasaala ku mulilo wakapentwa pe. Nee ncobeni, tau jisi kupya muli nguwo. Zuba lya jilo tali jisi kupya muli nguwo.

⁶³ I mumuni wazuba utuminwa ku nyika, kunyama, kuti ubizwe museke wa kusumpula butebuzi. Buzuba abumwi buleta zuba lipya. I zuba eelyo limweka sunu, kalileta whiiti kutala, mu Canada; eelyo zuba ndilyonya, ee, ikuti ni lya kajisi... tii lyaka jisi zuba limbi kwiinda eelyo, oyu Kunkumunamasamu na Ivvivwi, tau konzyi kubamba museke kubizwa. We elede kuba muyumu awa nguzu kapati, abuzuba mboukomena a kusima, ku kuzyala museke.

⁶⁴ Lino ikuti na museke, lwawo, ikuti na watalika kusima, museke ula sika, ikuti na wakkala ncobeni a museke, uyaka buyo museke. Buzuba abumwi, cikwa kuzunguluka nguwo, i—i cibeela

ca kkaushiamu a kufumbwa ciinka muli nguwo, ula bumbwa moonya mu museke, mbuli zuba mboliba anguzu maningi.

⁶⁵ Pele amubweze zuba eelyo limweka mu Ivvivwi, a kulibikka aa whiiti wa sunu, inga lyaujaya. Nincobeni, to konzyi kucita ceeco. We elede kuboola mu ciindi cawo ceelede. Mbubonya whiiti a museke wa Leza mbo ubizwa mu ciinid ceelede, ciindi ca Nguwe ceelede moubede. Pele mbobutu zuba mbo likonzya... Ee, whiiti inga yafwa, micelo inga yafwa, kwiinda ku zuba lipona sunu, eelyo limweka sunu, mubwini. Nkutebula kuboola kuli mukubizwa. I museke weelede kusima ku mumuni.

⁶⁶ Pele cintu ncakuti, sunu, museke wa mbungano tau yandi kusima. Uyanda kukkala mbuli mbo wakabede kaindi mu ciindi ca Moody, Sankey, Finney, Knox, Calvin. Ba kali kabotu, ba kali mumuni wa oora.

⁶⁷ Pele eli ndi oora limbi. Obu mbuzuba bumbi. Oku nko kusumpuka kwa Makanimabotu; Uboola mukusima kwawo. Aboobo ta tukonzyi kuponena muli ceeco Luther nca kaamba, Wesley nca kaamba, na bamwi babo. Tu ponena mu Mumuni oyo wa kaambwa kucitika ku buzuba obuno. Tuli mu bukkalo bwa mbungano yaciloba, kutali bukkalo bwa mbungano yataatu na yane. I museke weelede kukonzya Kuu tambula. Ikuti na tauciti, ula loka nkabela Ta waambi cintu kuli nguwo. I museke ulasima ku Mumuni ikuti na wazumanana antomwe a Mumuni.

⁶⁸ Mbubonya mbungano yeelede kuzyala cinkwa ca bukkalo abumwi, eco Jesu ncakalailila, kuti, "Muntu uyo ponena ku Ijwi lyoonse eelyo lizwa ku mulomo wa Leza."

⁶⁹ I Cinkwa nco tu yandikana cili mu Bbaibble. Calo nciyubunuzyo cimaninide ca bukanze bwa Leza. Calo nciyubunuzyo cimaninide ica Jesu Kristo. Ta tuyungizyi cintu kuli Ncico, na kugwisya kufumbwa cintu kuzwa kuli Ncico; kufumbwa muntu uucita, zina lyakwe liyo gusigwa mu Bbuku lya Buumi. Ta tuyandikani tuyanza twabuzumini tuli toonse ku yungizya kuli Ceeci. Cili lemedewe munzila buyo mbo Ce elede kuba. Ta tuyungizyi cintu cili coonse kuli Ncico, tagwisyi cintu kuzwa kuli Ncico, ko Ci kambauka buyo nzila mbo Ci bede, alimwi Leza mbwabede, uyo ciyubulula. Cisyomezyo coonse eco Nca kasyomezya, Uyo ciyubulula mbubonya buyo. Ta tweelede kugusya kuli Ncico na kuyungizya kuli Ncico. Amu Ci siye buyo munzila mbo Ci bede.

⁷⁰ Pele, nywebo mwabona, sunu, tu jana bantu mbuli mbo cakabede kumwi mu buzuba obo okuya, kusola kupona kujoka mu kubekema. I mbungano yeelede kubizwa mbuli whiiti mbo ibizwa, "kuti muntu taku poneni ku cinkwa cilikke, pele ku Ijwi lyoonse lya Leza, Cinkwa ca Buumi." Kutali cibeela buyo ca Majwi; Ijwi lyoonse lya Leza, bukkalo abumwi! Uta kkali buyo a kulya bunyangu a magwili ciindi coonse. Kuli zintu zimbi zyeenda a ncico, mbuli mbo tu zumanana mu mbali

izwide ya Cisusulo cipati ca Leza eco cibikkidwe kumbele lya bantu Bakwe, nguzu zya Muuya Uusalala, i—i kutangala kwa Nguwo, kwa nguzu a Muuya oyo waka pegwa. “I milimo Nje cita muyo icita anywebo. Nkaambo Nda pona, muno pona anywebo.” I zisyomezyo Jesu nzyakapangila Mbungano Yakwe, elyo nekubaboobo sunu tu jana bantu kabasola kujokela kulaale mu bukkalo bumwi bumbi obo bwakainda.

⁷¹ Bukkalo bwa Luther, bwakali bukkalo upati. Wa kabona kampenta kapati ka mbungano ya Katolika, kabona mulalilo. Kuti, oyo mupaizi mukubusyi, wa kabona kuti eco cakali lubide, “tii wakali mubili wini wa Kristo,” kakali kabeela ka cinkwa ako—ako nkeba kaleleka. Elyo wa kabona kuti, “waini tii bwakali Bulowa bwini,” pele bwa kalimwiinina Bulowa. Aboobo wa kacikazya cintu nkaambo oora lya ciindi eco lyakaliko. Alimwi takukwe makani akuvula kwa bapainzi mbe baka jisi, abambi mbe baka jisi, Leza waka jata muntu wakali kukonzya kubamba mumuni kumweka. Ameni. Wa kazumina, “Kululamikwa ku lusyomo,” elyo wa kaciya mumuni wa bukkalo bwa bana Lutherani kumweka. Kwiinde oyo ambali kwakisika, oyo waka kkwanya ciindi cawo.

⁷² Mpaawo kwakasika ciindi cimbi mbungano noya keelede kuzwa ku zibi zyayo, a kusalazigwa. Ambali kwakasika John Wesley, muntu muniiini wa Anglikeni uuzwa okuya mu England, oyo wakali kuzulilwa ku mbungano ya Anglikeni, pele wa kabona mumuni aa Makanimabotu. Lya kali oora lya Bukkalo obo bwa Filadefia kuyutuka. Elyo cindi na kacita, wa kakambauka milimo yabilu ya luzyalo kusalazigwa kwiinda ku Bulowa bwa Jesu Kristo. Kwakanyina cintu cakali kukonzya kwiima mu mumuni wawo. Wa kalanganisigwa kuba sikwiindilizya mbuli buyo Luther mbwa kacitilwa, pele wa kabakazya boonse babo mbo bakaliko a kumwesya mumuni, nkaambo wakali mumuni wa oora. Leza waka jana muntu, John Wesley, oyo wakali kukonzya kuyasya mumuni.

Wa kajana aa... alimwi akwalo Luther, oyo wakayasya mumuni wa bukkalo obo.

⁷³ Mpawo ambali kwakasika bakwesu ba Pentekoste. Ba kajokela mu bukkalo bwabo, bwa kuboozezya kwa zipego, kuboozezya zipego, zya kwaambaula mu myaambo, zipego zya kuponya, a zintu ku mbungano. Lino, ba kacita mbubonya eco Lugwalo ncolwa kaamba kuti bayo cita, elyo, cindi niba kacita, baka ciyubulula. Mbo mbubo ncobeni.

⁷⁴ Pele sena mwa mwisywa kuti twa keenda kuzwa kuli ceeco? Tuli mu ciindi ca Nabwiinga, ciindi ca kusala, ciindi nco (Nabwiinga) ba kati tuyoooba awo. “Conse camusokonya nca kasiya,” wakaamba Joeli 2:28, “coonse camusokonya nca kasiya, i—i diingo lyaka cilya; alimwi conse diingo nco lyakasiya, cisozi caka cilya.”

⁷⁵ Kamwi akamwi ka tubunga oto, ikuti na mwa kazibala Zinamatizyo zili Ciloba zya Bbaibbele, umwi aumwi wa basilubambululo abo wakainka a kukambauka Ijwi, pele kasiya cintucimwi. Mpawo bakacita nzi basikubambilula niba kamana, nkabela mumuni wakatalika kuzima? Mubusena bwa kuzumanana kweenda kuya mu Mumuni waambele, baka ubunganya. Elyo cindi niba kaubunganya akuti, “Tu syoma *oyu* Mumuni. *Oyu ngo* Mumuni! *Oyu ngo* Nguwo.” Ino bakacita nzi? Wesley wakasika ncobeni a kuzwa kuli mbabo.

⁷⁶ Ino Wesley wakacita nzi? Wa kabunganya kuli nguwe, a munyina wakwe—wakwe, John a—a Charles, elyo ambali bakasika Asbury a baabo, alimwi, kwiinde mazuba abo, ba kabunganya eco cakali kutegwya mbungano ya Methodisti. Ino bakacita nzi? Ba kaukaka Mumuni wambele. Ba kaamba buyo kuti, “*Oyu ngo* Mumuni. *Oyu ngo* Nguwo.”

⁷⁷ Mpawo kwakasika ba Pentekoste a kubatondezya, kuti Leza ucitumina ansi lubbizyo lwa Muuya Uusalala. Walo ucileta ansi nguzu Zyakwe zya kuponya, ezyo nziba akaka. Ino bakacita nzi? Ba katantamuka ncobeni kuzwa kuli mbabo, nkaambo wakali mumuni umbi.

⁷⁸ Ino ncinzi lino? Twa kaindilila myaka ili makumi ali cisambomwe, ba Pentekoste bakabunganya, “Tuli *ceeci*, tuli *ceeco*,” alimwi Leza wakazwa ncobeni kuli ncico; kulaale, a kuzyala Nabwiinga, Musale, kuzwa mu nkamu eyo. Kwalo, takukabi bukkalo bumbi bwa mbungano. I Bukkalo bwa Mbungano ya Filadefia bwakali buna Wesley. Alimwi Bukkalo bwa Mbungano ya Laodikeya nkabunga ka Pentekoste, ako koonse keenda kululama ncobeni mu caando ca munyama. Eelyo ndi Bbaibbele, mbuli mukwesu oyu mbwali kwaamba ziindi zisyoonto zyainda. Obo mbwini. Mbubo. Tuli, tubunga toonse, nkaambo baakaka kweendela mu Mumuni waambele. Bala libunganya beni, a kwaamba kuti, “Tu syoma eci.” Cindi Leza acita cintucimwi, amu cilingule ku Lugwalo.

⁷⁹ I Bafarisi bakati, “Tu Lujisi.” I Basaduki bakati, “Tu Lujisi.” Pele Leza waka Lujisi! Leza wakanyona kki a kutondezya Mumuni. Wa kakakwa mbuli mbo Wa citilwa lyoonse.

⁸⁰ I mbungano ya Katolika yaka mukaka Luther. Wesley wakamuka Luther. Elyo mbubonya ayalo Pentekoste yaka mukaka Wesley.

⁸¹ Alimwi Muuya Uusalala sunu uli mukukaka ba Pentekoste. Muya buba buyo mbuli basitulengwa a batontola mbuli bamwi babo. Bantubonse inga bakonzya kubona ceeco. Nda tuyanda. Muli cintu cili munsi maningi ciliko ku Bbaibbele, Nce zyi, nke kaambo Neeli andinywe. Pele, amuswiilile, amujule meso aanu a kubona buzuba obo mbo tupona mo! Nciindi ca kkkii kunyonwa alubo, nkabela mumuni kusike, kuzo gusya Samu. I Bbaibbele lyakati, muli Malaki 4, “Uyo tuma a kuboozezya Lusyomo

lutaanzi olo lwakali antoomwe a bantu.” Wa kacisyomezya. Wa kacicita lyoonse. Wa katuma Ijwi Lyakwe, nkabela basinsimi bakaboola nkaambo Ijwi lya kaboola ku basinsimi, nkabela bakali lijisi Ijwi aku Li bamba kupona.

⁸² I tubunga a ziyanza zya ciindi zyaka ba kaka, bukkalo abumwi, mbubonya mbo bayo cicita asunu. Leza ula konzya buya asunu kubusya muntu lino mbuli Mbwa wakaliko kaindi. Taakwe naka busya tubunga. Amubuzye simakani akale uli onse, amulange mu makani akale; cindi kabunga kakabunganya, kakafwa alya akuta buka alubo. Leza ulakanana ku bagame. Nconzyo.

⁸³ limwiA Leza wakasyomezya kucicita alubo mu mazuba aakumamanino, nkabela Uyo cita. Eco Leza nca kasyomezya, eco Uyo cita, kuyasya Mumuni oyo ukonzya kusimpikizya Magwalo akasyomezegwa aasunu. Jesu wakati, “Mboli mbo kwakabede mu mazuba akwa—akwa Lota, mbubonya mbo kuyooba mu kuboola kwa Mwana wa muntu.” Ko tondezya, bona eco ncoba cita. Langa kuli Jehova, eco Nca kacita, Taata wesu wakabikka zintuzyonse mu busena.

⁸⁴ Nguulya Lota kumusanza omuya mu inyika, kumusanza omuya mu Sodoma, a cibi coonse, ukasaala. Nguulya mutumwa kumusanza okuya kakambauka kuli nguwe, awalo.

⁸⁵ Njeeyo nkamu ya Abrahamu, Basale, baka somonwa, abo baka jisi cisyomezyo, kabalindila Mwana ca ncobeni. Lota wakali kulangila mwana, awalo, pele kutali mu ciimo eco Abrahamu ncakali kumulangila. Ncinzi cakacitika? Kacitana buyo kucitika, Leza wakaseluka a kulitondezya Mwini mu mubili wabantu, a kulungulula kuti Wa kali Ijwi, nkambo, “I Ijwi lya Leza lilabosya kwiinda cceba lya mabemba obilo, a sikutwela wa miyeeyo ili mu moyo.” Jesu wakati, “Mbubonya mbo ciya kuba alubo, ku kuboola kwa Mwana wa muntu.” Ezi zisyomezyo nzya Buleza, zya kaambwa ku milomo ya Jesu Kristo. Majulu a nyika ayo kakilwa, pele Ta zikakakilwi. Leza ucikonzya kubusya mabwe kuba bana ba Abrahamu. Oh, iiyi!

⁸⁶ Tuli mu lweendo lwesu, kuli cintucimwi mbuli Israyeli mboya kabede. Israyeli, mu lweendo lwabo, kacita kubweza mana mapya abuzuba, nkambo mana mapya akali kuwa. Ta tweelede kupona mu mumuni wa Luther, kuponena mu mumuni wa—wa Wesley, na kuponena mu mumuni wa Pentekoste. Tuli mu bukkalo bumbi, Mana mapya.

⁸⁷ N cinzim cakacitika na bakasola kuyobola mana ayo mane bwaca? Aka bija. Na kaba jaya. Ako nke kaambo tu jisi bafu banji loko bakumuuya, bategwa Mbanakristo. Balya kubekema kwa buzuba bumbi. Ba kalya mana ayo akabija kale. Mboli buyo cikwa atala lya whiiti, ikuti na ta ciinki mu whiiti, cila zwa ku whiiti. Elyo cindi Mumuni wakakwa, takukwe pele cintu comwe cakucita, kasandukila mu mudima. Kufumbwa cibeela

ca masiku, cinga cakaka kubona Mumuni, cijokela mu mudima. Mbubonya mbo cicita mu Makanimabotu, mu bukkalo abumwi catondezegwa kuba boobo. Tu pona mu ciindi eco.

⁸⁸ Mana aa jilo aka bija. Nda mvwa bantu kabati, “Myaka ili makumi one yakainda, Nda kacita *boobu-a-boobu*.” Mbo mbubo, pele ino kujatikizya sunu? Ino kujatikizya mbungano iisika mulilo? Twa ambaula zya jilo, ino kujatikizya mbungano sunu? Ino kujatikizya nduwe mbuli mugame sunu? Nkambo, ca jilo tacika citili ca sunu. Cakali kabotu jilo.

⁸⁹ Mulumbe wa Luther wakali mumuni wa oora, mbuli wa Johane mbowa kabede, pele mpaawo kwa kabuka mumuni mupati maningi. Mbubonya Luther wakali mumuni mupati, nkabela twa kamubotelwa kwa ciindi ceelede, pele mpaawo kwa kaboola mumuni umbi oyo waka jalila wakwe. Eco nco wa keelede kucita nka njilana a Nguwo; alimwi Wa kazumanana kuya kuba cinkwa cilondokede, kazumanana kuya kuba Mana aa Leza alondokede. Pele ino bakacita nzi? Ba kapanga kabunga. Muntu wakanjila muli nkako. Mubusena bwa Leza kukasololela, muntu a ziyanza zyakwe zya kanjila muli nkako, aku koofwaazya.

⁹⁰ Oh, eelyo Samu lya Nabwiinga sunu, lwaka kokolwa. Kufumbwa mutabi oyo uta zyali micelo wa kokolwa. Jesu wakaamba boobo, Musalali Johane 15. Ncinzi cakacitika lino, tula bona kuti baka gonkwa, ka kokolwa.

⁹¹ Amuyeeye, nguonya moyo wa samu uli mpoonya akati ka samu. I micelo lyoonse iyo bizwa, busena bwamamanino ku samu buya kusola kuzyala micelo, buli mpoonya atala lya ndilyo, nkaambo bwalo mbupya buzwa akati ka buumi buli mu mbuto.

⁹² Lyalo ndi Samu lya Nabwiinga. Jesu wakali Nabwiinga, Wa kali Samu. Ba ka Mu gonkela ansi. Wa kali Samu lya Buumi oyo wakali mu muunda wa Edeni. Ba ka Mu gonkela ansi aku Mwa anzika aa samu lyaci Roma, ku Mu fubaazya. Ino Wa kacita nzi? Leza waka Mu busya buzuba bwatatu, kuzwa ku bafu. Elyo asunu kuli Samu lya Nabwiinga; Lya katalikila kaindi okuya ku matalikilo, kaindi loko ku Buzuba bwa Pentekoste.

⁹³ Amuswiilile, nywebo nobantu nomuzulilwa ku mbungano! I Mbungano tii yaka talikila ku Nicaea, Rome. Ya katalikila mu Jerusalema, aa Buzuba bwa Pentekoste, kwakataka Mbungano. Mpawo ncinzi ncoba kacita? Kazumanana buyo kubunganya; kwalo Leza ulazumanana kukosola mitabi. Mpawo baka bunganya bana Lutherani; kagonka mitabi. Wesley; kagonka mitabi. Pentekoste; kagonka mitabi. Kusikila ya boola . . .

⁹⁴ Pele Leza uyooba a Samu lya Nabwiinga! “Coonse cakaligwa diingo a camusokonya wa kalya, Njo boozezya,” mbwaamba Mwami. Malaki 4 ula twaambila kuti tuyo josegwa ku Lusyomo lutaanzi mbuli mbo kwakabede ku Buzuba bwa Pentekoste, “i Lusyomo lwa matata.” Tu syoma kuti luyo boola. Nda syoma

nce nciindi ca ndulo lino. I mitabi ya kapusama a kuyuminina, nkabela bano igusya kuzwa ku Samu, kutegwaa micelo ikonzye kulizyala ini mpoonya aatala lya Samu. Oh, ma!

⁹⁵ Yoonse eyi mimuni ili kabotu. I Mbungano sunu mumuni oyo kusanganya ceeco nco ya tambula sunu. Nkwa kumanizya butebuzi. Mbuli mbo tu jana, kuti Samu lini, na... I whiiti yeelede kusimina ku Mumuni, kailibusya ini kuzwa ku tuvu kuya ku museke, a kuzwa ku museke kuyabuya. Ila sima ku Mumuni. Mumuni wa makkalo ambi uukapa biyo bulunguluzi bwa bukkalo obu. I mumuni wa Luther wakapa bulunguluzi bwa—bwa mumuni wa Wesley. Wesley wakap bulunguluzi bwa mumuni wa Pentekoste. Walo mumuni nguonya, wakasima biyo ku Mumuni. Ikuti na bantu bakonzya biyo kuubona!

⁹⁶ Ciindi cimwi cainda, Nda kali kubala caano ciniini, oko namalelo waku England, (kutali oyu namalelo) namalelo umbi, waa kaunkide ku kkampani ya mapepa eyo yakali kupanga mapepa mabotu. Elyo cindi naka buzigwa a mweendelezi wa kkampani, wa kamutola mukati. Waa kali kuyanda kubona obo pepa bbotu mbo lyaka bambwa. Wa kamutola a kumu tondezya mincina yonse mapati a zintu. Elyo mu mazuba ayo, bakali panga mapepa kuzwa ku tuzapuzapuzapu. Tula yeeya eco kabotu. Aboobo wa kanjila mu kaanda a kujula mulyango, nkabela kwakanyina cintu pele cikama ca tuzapuzapu. I namalelo, mu kugambwa kupati, wakati, “Ino ezi zintu zyatombé nzyanzi?”

⁹⁷ I muntu oyo... mweendelezi wa kkampani, wakati, “Oko kwakali kupanzya zyakusama, jilo. Bona, zya kaba a tombe. Ta tu zisowi, pele mapepa aa juunza.”

Waa kat, “Nse cimvwisyi eci pe.”

Wa kat, “Uyo cimvwisya juunza.”

⁹⁸ Aboobo cindi niba kainzya tuzapuzapu otu kwiinda mu muncini, kwiinda mu bubambe bumwi bwa kusalazy, alimwi—alimwi acintu cimwi mocaka inda, bubambe; cindi nicakazwa, cakali cipepa cibotu. I mweendelezi wa kayeeya kuti atondezze namalelo cintucimwi eco ncatakazi. Wa kabikka buboneki bwakwe aali ncico, aku busimba mu pepa eli bbotu. Cindi namalelo naka citambula, waa kabona buboneki bwakwe bwini muli oto twakali tuzapuzapu twatombe, jilo, nkaambo bwakainda mu bubambe bumwi.

⁹⁹ Oh, ikuti na Luther, Wesley, a boonse babo, niba kakonzya kubona ceeco, kuti zintu zya jilo zikonzya biyo kubelesegwa bwainda mu bubambe! Cindi Muuya Uusalala wayubununa Mumuni, kuzwa ku kululamikwa kuyaku kusalazigwa, kuyaku lubbizyo lwa Muuya Uusalala, elyo eno oora lya mamanino lya Kuboola kwa Kristo; cili mucimo ca buboneki, kutali bwa namalelo, pele wa Mwaami waku Julu oyo uliiminina Mwini, mbuli mbungano mboiya buceya loko kuba busyoonto,

mbuli mulimo weeled e kuba musyobo nguwenya wa mulimo Ngwa kajisi.

¹⁰⁰ Abo bakafwa mu bukkalo bwa Luther, kunselelo aansi ly a piramidi, mbuli; kutali lwiyo lwa piramidi, pele buyo ku mukozyanyo.

¹⁰¹ Eyo piramidi ili londokede loko, ikuti na umwi wanu wakaliko okuya. To konzyi kwiinzya mbeli, pee. I—tii baka jisi daka muli mbubo, kuciimo mbuli mbo tuzi. I nzila ya buyake bwabupange bwa mbubo bwakali bulemu maning! Lino, baka sweekelwa bbwe lya kumpela. Ta bazi awo mpo libede. Lino cindi eelyo bbwe lya kumpela lya kubweeda, liyooba mbuli amwi awo, liyo sangana mu lya kasyala kali jukide. Ikuti na wayandika kubikka bbwe lya kumpela ali njiyo, lyeelede kuba munzila eyo.

¹⁰² Elyo cindi Jesu akubweeda, Uyo jana Mbungano yaka sanzigwa, kaitakwe kabala na kaimba, nkabela uyooba mulimo nguwenya Ngwa kajisi. Uyo josya Bbwe lya kumpela.

¹⁰³ Mbuli janza lyangu awa, mu cimvule. Calo ncimvule, buyo cila siya maningi mbuli janza lyangu lyaba maningi... Calo ncikozyanyo awa, cintu cini awa. Mbuli cikozyanyo a cintu cini, mbo cilemena loko; kusiisa, kusiisa, kusiisa, elyo kumalekelo cala kamba kuba antoomwe, a cikozyanyo a cintu cini caba comwe.

¹⁰⁴ Eco nce cindi Mbungano a Kristo nezi kamantana antoomwe, mbuli Nabwiinga, a Muuya nguwenya oyo wakali muli Nguwe uyooba aali Nguwe; cindi eyo Mbungano yazwa ku kululamikwa, kusalazigwa, lubbizyo lwa Muuya Uusalala, kunjila mu mazuba aakumamanino, a kwilondola kusika ansi lino ku Kuboola kwa Mwami.

¹⁰⁵ Oh, mutabi cibela ciyumu ali Ndilyo, mukwesu muna Pentekoste. Komweka antomwe a Ijwi akusyoma kabeela koonse ka Ndilyo. Uta njili mu tukamu otu twazilengwa tuta tonkomene a zintu, mbuli mbo tubona kuzumanana sunu. Uta gambwi kuli ceeco, nkaambo Bbwe lya kumpela lila boola, kalilila, "Abba, Taata," cakufwambaana loko, "Leza Wangu! Leza Wangu!" Iiyi, Nda cisysoma eco a moyo wangu oonse.

¹⁰⁶ Sena mwa cibona? Nywebo mulizi eco Nce pandulula? Ngu Kristo eno kabweza tuzapuzapu twa jilo, Lutherani, Methodisti, Presbyteria, a zimwi zimbi, alimwi Uli mukutubikka kwiinda mu bubambe. Ino musyobo nzi wa bubambe? Ii bubambe bwa Muuya Uusalala; eco ncoba kajisi, kusanganya; kucibamba kusikila Aka bambe cinkoza Cakwe Mwini, cindi Mbungano a Kristo baakuba bomwe mu lukamantano. Leza, ko cipa! Nda syoma kuti mwa cibona. Ikuti na mwacibona...

¹⁰⁷ Cila ndiyeezya kaano, kuti cindi i—i lubukulusyo lupati lwaku Welsh nilwakali kicitika. Bantu bamwi balemu omuno mu cisi baka yeeya kuti bainke kuyo bona lubukulusyo lwaku

Welsh, eco cakali kucitika. Elyo mbuli mbo bakaunka, kuya kuziba, baka bona buyake molwa kali kucitikila. Cindi niba kasika ku Wales, ba kazunguluka, katalika kubuzya makani abusena buyake mpo bwakabede. Ba kabona silutwe muniini ukkomene kaimvwi ku kkona, kasmide ngowani yakwe niini ili mbuli da, nakabela wakali kuzumbaanya mufunko wakwe oku a oku mbuli obo. Elyo aboobo baalumi aba bakeenda kumbele lyakwe, a kwaamba, “Munene, sa inga wa ndaambila buyake oko lubukulusyo lwaku Welsh nko lubede?”

¹⁰⁸ Wa kati, “Iiyi, munene, Ndime ndulo! Ndime ndulo!” Nkaambonzi? Wa kali kusabalanganya lutangalo a Mumuni wa lubukulusyo lwaku Welsh—Welsh mukati kakwe.

¹⁰⁹ Mbubonya mbungano ya Pentekoste mbo yeelede sunu, kubuzya kuti, “Nguni Jesu Kristo, mbobuca nguwenya, sunu, amuya myaaka?” Mumuni Wakwe wa Makanimabotu Aakwe weelede kaumweka a Ijwi lya bukkalo obu, kuyubununa Jesu Kristo ku cisi, mbuli buyo mbo cakabede kaindi.

¹¹⁰ Wa kazwide loko a lubukulusyo lwaku Welsh kusikila wa kali lubukulusyo lwaku Welsh.

¹¹¹ Twe elede kuzuzigwa loko a Kristo mane twa—twa Mu tondezya mu nguzu zya Ijwi Lyakwe lya kaambilwa kuli ndiswe mu buzuba obuno. Bakwesu, muta bbili mu zintu zya inyika, muta, mapakasyo aya a mugusya. Amukkale a Makanimabotu. Amulangilile Ijwi lyoonse! Muta jokeli kuli ceeco uso nca kaamba. Atu unke ndyoonya lino aceeco Jesu nca kaamba cakeelede kutola busena mu buzuba obuno. Iiyi, munene. Twe elede kuba Mumuni wa bukkalo obu, katu yubulula Makanimabotu. Luther wakali mumuni wakwe. Wesley a mumuni wakwe, Pentekoste wakali mumuni wakwe. Pele, tuli kulaale kutala lya mugwagwa lino, tu boola muli Nabwiinga, wakaitwa kuzwa, Basale. Yeeya, ikuti na uli obo, uli buyo mbuli silutwe oyo, wa kali Lu jisi mukati kakwe.

¹¹² Amuyeyeye, obu mbukkalo bwa mbungano yaciloba, Bukkalo bwa Mbungano ya Laodikeya. Kweendelana ku Ciybunuzyo 3, bala mukaka Kristo. Ku bukkalo boonse bwa mbungano obo bwakaambwa mu Bbaibbele, Bukkalo bwa Laodikeya bwakali bubyabi kwiinda oonse aabo. Bwa ka Mu tanda, aku Mu kaka, ka Mu bikka aanze.

¹¹³ Sena mwa ukabona mweezi kusiya, busiku bumwi, poopu katana unka ku Rome, kuzwa ku Rome kuyaku Jerusalema? Jerusalemu, mbungano yakaindi maningi; mweezi ncikozyanyo ca mbungano, lyoonse kautondezya mumuni wa zuba, kuciindi zuba nolitako, nkabela wakasiya. Nda kacidulowa eco aa bbulakiboodi awa, myaka yotatwe na yone yakainda, a kutondezya mambungano, mu myaanda a zyuulu zya maanda koonse ku cisi. Ino cakali cinzi? Ii cimvule. I ciindi citaanzi popu nakasola kuzwa, ku jokela awa, kanjila mu—mu zina

lya Paulo, aamwi ambi, kaselemuka kwiinda mu masena ayo; kacita kuleleka mulonga, ku kuuzabuka, azimwi zimbi. Ino i—i mulonga uyandika cilongezyo canzi?

¹¹⁴ Ino ndi penzi nzi ku bukkalo obu bwa mbungano mbo tuponamo sunu? Sa tamu konzyi kububona? Leza ka cilungulula mu milengalenga, ka cilungulula mu Ijwi Lyakwe, ka cilungulula mu pepa, ka Ci lungulula akati ka bantu? Sa tamu konzyi kujula meso anu a kubona oora? Ezzi nze zilungulula Bwini. Oyu ngo Mumuni wa oora.

¹¹⁵ Amulangilile nkamu mpati ya bupaizi, ili mukunjila mu kkanso eyi kutala okuya eno, kupanga buyo cinkozya ca cinyama, mu Ciybunuzyo 17, mbubonya mbo cakaamba kuti ciyo cita. Nywebo nobantu ba Pentekoste muyo kkala zii kuli ceeco a kunjila muli ncico? I oora lya kusungilizigwa lya sika.

¹¹⁶ Lino nce ciindi cakubuka a kupukuta malampi anu, a kumweka kubelsya Makanimabotu aa Jesu Kristo a Nguzu.

¹¹⁷ Ndi lizi kuti eci tacikwe mpuwo, cindi bunji bwa beenzuma bangu bana Pentekoste ba kakkala a poopu a zintu, a kwaamba, “Ii kulimvwa nkukonya kwa kumuuya.” Kuli ndime, cili—cili lubide. Ci lwana Bbaibbele. Lekela Ijwi lya Leza libe Bwini. Iiyi, munene. Nce ciindi lino. Tula bona bweende obu bupati kabutitika mu i . . . Oh, ciboneka kabotu ku liso lya kunyama, masimpe.

¹¹⁸ Kayafasi wakali bonya kabotu kuli ceeco nca kali kuyubununa ku bapaizi, mu buzuba obo, buzuba obo boonse. Pele Jesu wakali Mumuni oyo wakali kubamba Ijwi kupona, pele makkanso abo azimwi zimbi zyaka ofwaazya meso abo kuli Ndilyo. Wa kat, “Amu baleke balikke; boofu basololela boofu, boonse bayo wida mu dindi.”

¹¹⁹ Twa jokela ku ciindi eco alubo, bakwesu a bacizi. Twa jokela ku oora eelyo alubo. Amubone. Nkaambonzi? Kaambo nkakonya.

¹²⁰ Tu jana kuti i—eyi mimuni mipati njo twa kapona mo, mu mazuba akainda, ya kali kabotu, ta tujisi cintu cakwiilwana. Pele, obu Bukkalo bwa Mbungano ya Laodikeya, amu cenjele, amuyeeye, mbwa kukaka Kristo. Elyo obo mbombubo mbo bubede lino.

¹²¹ Eyi kkanso mpati yeenda koonse, kuya bumantanya boonse ba Protestant antoomwe, kkanso eyi ya bupaizi. Elyo ino cicita nzi? Ci bamba Ijwi ndilyonya kusiya, lini, alimwi Ijwi ngu Kristo. Mbobuti mbo bakonzya kucita? Kakuli, Kristiani Sayaansi, a Unatedi Brethereni, elyo bunji bwabo bantu mu tubunga tumbi tupati, bamwi bala syoma mu kuzyalwa kwa nakalindu, bamwi taba citi, bamwi basyoma eci a ceeco. Mbobuti mbo konzya kulisanganya lwako a kutasyoma? “Mbobuti bobilo mbo bakonzya kweenda antoomwe citakuti bazuminana?” Amuzwe

akati kabo a kwandaanisigwa, a kubweza Ijwi lya Leza Lisalala a kukkanla kuli Ndilyo.

¹²² Jesu Kristo uli sinikizidwe kutondezya Ijwi Lyakwe. I cintu nco tu yandikana sunu nkubuka kwa Malaki 4. Musinsimi umbi uyo buka mu Zina lya Mwami Jesu Kristo, nkabela uyo leta nciconya eco Nca kasyomezya kucita. Mpawo, muntu caboofu uyo Li siya a kweenda moonya mu mudima, mbuli mbo bakacita lyoonse.

¹²³ Amulangilile lino, tu jana kuti, kaambo nkakonya, ako sunu, nco bakaka, mambungano ala ukaka Mulumbe, kubambula Ijwi, kugwisya Ijwi. Lino ikuti na tozulilwi kuli ncico, to konzyi akwalo—to konzyi akwalo kuba a mbungano yako. Bayo ijala kumaninina. We elede kuboola muli njiyo. Ikuti na to cicit, ula jalilwa. Mpawo ino kujatikizya ncico? Oh, koiminina Eco ciluleme! Yeeya, nciindi ca kubambulwa alubo, kutandila.

¹²⁴ Mumuni walweeno waka citya bubbi bupati—bupati maningi inyika ngoya kasola kuba awo, mu England, kutali ciindi cilamfu cakainda. I bubbi bupati maningi bwaka solwa kucitwa, bwakacitwa kwiinda ku mumuni walweeno. Bubbi bwa madollar ali mamilioni ali ciloba bwakacitwa ku mumuni walweeno oyo waka cesya kweenda kwa citima eco, a Scotland Yards tii yaka konzya kumujata muntu. Ba kacija angawo, cabusongo loko. Obo bwakazibwa mbuli bubbi bupati maningi bwakasola kucitwa kwiinda ku bubbi, mu bulenge. Bwa kabbida inyika, ku bubbi bwabo bupati maningi.

¹²⁵ Elyo bubbi bupati maningi bwakasola kucitwa ku mbungano ya Jesu Kristo, bwakacita kwiinda ku mumuni walweeno, kubekema kwa bukkalo bumwi bumbi, a kukaka Mumuni oyo wa kaambwa kumbele ku bukkalo obu. Ameni. Mumuni walweeno, kubekema kwa jilo! Muta endela mu kubekema kwa jilo. Amweende mu kukasaala kwa Mwana sunu. Muta kweli nobeni kunsi lya cimvule cakabungwe, kwaamba, “I mazuba aa maleele aka mana.”

¹²⁶ Jesu wakati, “Ezi zitondezyo ziyo batobela abo basyoma: mu Zina Lyangu bayo tanda madaimona, bayo amba mu myaambo mipya. Ezi zitondezyo ziyo batobela.”

¹²⁷ Ba lati, “Kwakali kabotu ku baapostolo; kutali kuli ndiswe.” Oko nkubalamama.

¹²⁸ Jesu wakati, “Ezi zitondezyo ziyo batobela abo basyoma, ku inyika yoonse.” Iiyi, munene.

¹²⁹ Lino ndipenzi nzi? Kweendela mu kubekema, kwakaleta bubbi bupati maningi, bwaka gusya Kristo kuzwa ku mbungano. Mwabona, mbobuti Kristo mbwa konzya kulyubununa Mwini mu Ijwi eelyo lyaka syomezegwa sunu, kwiinda ku kansiyansiya kamwi katontola ka jilo? Ta kakonzyi kukasaazyia Mbuto. Peepe, munene. I bubbi bupati bwa mbungano!

¹³⁰ Kukasaala? Elyo, amuyeeye, oyo mumuni wa kansiyansiya katontola taka kabambi Mbuto ya sunu kubizwa. Ka kaka Mbuto. Ngu sikunku uli atala lya nyika, kulema. Nciindi ca Leza kubuka a kuyasya Mumuni alubo, kubamba Ijwi Lyakwe kupona. Nincobeni, Mumuni! Ako kayanza kabuzumini katontola taka bambi Nseke kubizwa pe. Ta kakaciti nconzyo.

Elyo, amuyeeye, lusumpuko lweenda antoomwe a zuba.

¹³¹ Mbuli Mbwe kamwaambila ku matalikilo, Nde elede kulangilila zikozzano, nzila bulenge mbo bweenda. Nse jisi lwiyo lwa kucicita; Nse luyandi. Inga ndasala kuba aceeco Nce jisi, kwiinda lwiyo loonse mu inyika. Ndi jisi Jesu Kristo. Nda Mu bona kapona Ijwi Lyakwe moonse, alimwi nkukoonse Nkwe yandikana kuziba.

¹³² Elyo ikuti na muntu wazyalwa ku Muuya wa Leza, uyo lingula Lugwalo kubona ikuti na Bwalo mbwiinguzi bwasunu. I bwiinguzi bwa buzuba ngu Kristo. Kristo ndi Ijwi. Cindi Ijwi lyasika ku buumi, citondezya Mumuni oyo waka syomezegwa wa buzuba obuno. Mu Bukkalo obu bwa Laodikeya bwa musinze, basyoonto buyo, “Mbuli boonse mbe Ndi tambula, Nda bakoma, Nda batapatila. Amweempwe,” Jesu wakati, “a kubweeda.” Amulange ku Ijwi. Walo ndi Ijwi. Amuboole kuli Nguwe. Iiyi, munene.

¹³³ Amulangilile Mumuni. Ula zwa Kujwe, kuya kumbo. Tuli ku Nkomwe ya Kumbo. Wa kajisi ntaamo zyotatwe, embo na? Wa kajisi ntaamo zyotatwe. Wa kazabuka maanzi, ziindi zyotatwe. Kuzwa kuli Paulo, a koonse ku Mediraniani, kaboola mu Germany, Germany wa kayasya antomwe a Luther; kazabuka Mugelo wa Chikuwa, omuya mu United States elyo lino.... omuya mu –ku England; mpawo, England, Wa kaboola koonse ku Pasifikasi, ku United States. Elyo waa kabeleka lweendo lwawo kuselemukila mu mulumbe wa Luther, muciindi coonse, kusikila cibela camamanino ca Nguwo cili kokuno ku Nkomwe ya Kumbo alubo.

¹³⁴ Elyo kuzwa kukubizwa kwa museke, kuzwa lweendo loonse kujoka kuzwa kuli Luther, lweendo loonse muciindi ca bukkalo, weelete kuba buzule bwa Makanimabotu lino, Nguzu zya Leza zya kucitya kubizwa. I Mumuni oyo waka tondezegwa kwiinda mu kululamikwa, kusalazigwa, bukkalo bwa pentekoste, weelete kucitya kubizwa Samu lya Nabwiinga lya ku Kuboola kwa Mwami Jesu Kristo; kutegwa Kristo ayubululwa mu Mbungano Yakwe, mbuli Muntu omwe, Walo a Mukaintu Wakwe, Walo a Nabwiinga Wakwe. Ameni. Eli nde oora ndyo tupona. Oyu ngo Mumuni wa buzuba. Amweendele muli Nguwo! “Amu fululwe, nyoonse kumamanino aa nyika.”

¹³⁵ Kubekema kwa mbungano ya buzuba obuno kwa kali kweena maningi, Jesu wakaamba muli Matayo 24. Wa kat, “Kuyo cenga mbabonya basalidwe ikuti kula konzeka.”

Mwabona, kutali Luther nataka tambula . . . Luther taka konzya kucenga Methodisti. Muna Methodisti taka konzya kucenga muna Pentekoste. Mbo mbubo, mwabona, pele ino kujatikizya Nabwiinga? Eco nce cipakamanya meso aba Pentekoste. Inzya. Mwabona, mwa jokela ku kayanza kanu kabuzumini, ku ciimo canu, kabunganya, a kujana nkamu ya bantu ya kumwaambila eco cakucita.

¹³⁶ I Bbaibbele lilasyomezya zintu ezi. Tu yandikana baalumi a banakazi bazwide Muuya wa Leza.

¹³⁷ Ikuti na waamba kuti ujisi Muuya wa Leza muli nduwe, nkabela Leza upanga cisyomezyo cimwi mukati Omu, mbobuti oyo Muuya Uusalala mbo ukonzya ku Ci zumina, kwaamba, “Ee, inga caba cibotu ku bukkalo bumbi. Ta tu Ci syomi munzila eyo”? Oyo tauli Muuya Uusalala.

¹³⁸ I muntu oyo uuзвide Leza, walo a Ijwi mbamwi. Nincobeni, mbo cibede. Calo ncipange ca lukamantano, lukamantano akati ka Leza a muntu.

¹³⁹ Mbobuti mwanakazi mbwa konzya, oyo uyooba mulumi ku muntu, cakeiimpana, kacita zintu nzya tayandi kuti acite? Mbobuti mbo tukonzya kuli bbwayaaula cankwela ku nyika, a tubungwe a tubunga, a kufutatila Mumuni wa oora? Mbobuti mbo cikonzya kucitwa, mukwesu a mucizi? A luyandisyo lwa buleza a bulema kuli umwi aumwi wanu, mbobuti mbo tukonzya kuzumina zintu ezi? Mbobuti mbo tukonzya kucimvwa? Ci josya moonya mu kulanganisiga kwesu alubo.

¹⁴⁰ Muta pi mulandu kubana Lutherani; nkaambo, bakapamulandu kuli ba Katolika. Muta pi mulandu kuli Wesley; nkaambo, wa kapa mulandu kuli Lutherani. Mwabona, mbuli boobo, cindi wapa mulandu ku Cintu eco cicitika sunu aku Ci futatila; cindi mwabona mambungano aanu kanjila mu nkamu eyi mpatti ya bupaizi, a zimwi zimbi mbuli ezyo, ku musololela, umwi aumwi, mu caando ca munyama, nkabela muli cijisi. Bantu banji ba myoyo iisyomeka baleenda moonya muli ncico.

Yebo wati, “Balo mbantu babotu, bantu basalala.”

¹⁴¹ M bubonya abo bapaizi mbo bakabede. Ikuti na Ne kacita kubweza busalali bwa Jesu Kristo, na micelo ya Muuya, bunji bwanu mwa kazumanana ali ceece . . . Lino, kutali kuubaaula kuli ncico. Ndali syoma Ijwi lyoonse lya ncico.

¹⁴² Banji bayo amba, “Oh, Nda kaambaula mu myaambo. Nda ka Utambula.” Oyo tauli Nguwo. Peepe, munene.

Bunji bwabo balati, “I mucelo wa Muuya, ngo Nguwe.” Sa Nguwe?

¹⁴³ Atu bikke Jesu ku kubetekwa (Leza, kondi jatila) kwa kaindi kaniini. Atu muletele, nkabela Njo oba mupaizi. Ndila ambila kuti, “Oyu Mulombwana mukubusyi, wakasika mu munzi, uitegwa Jesu waku Nazareta. Uta swiilili kuli Nguwe. Tula

syoma mu micelo ya Muuya. Lino amulange awa, mupaizi wanu sibuuya mudaala. Walo, syanyinakulu wakwe, syanyinakulu mupati, boonse bakali bapaizi. Wa katuula, buumi bwakwe boonse bwa bukibusyi. Wa kakkala moonya mu seminari. Wa kalangilila, wa kasyoma, wa—wa kacita zintuzyonse nzoba kasola ku muyiisy. Uli luzyi Lugwalo, kuzwa ku A kusika ku Z. Ula Lu lemba akwalo, lwakwe. Lalemba Magwalo, lwakwe, balembi balacita. Elyo ngooyu we, muntu mubotu! Nywebo mulizi mbwa bede.

¹⁴⁴ “Ncinzi cakacitika cindi banyoko nibakali kutumbuka? Nguni wakaima munsi lya bulo bwako? Oyo mupaizi sibuuya mudaala. Cindi bauso a banyoko nibakali kuyanda kulekana, nguni waka bagwambatila a maboko abo bonse a kuba sololela kujoka kuli Leza? Oyo mupaizi sibuuya mudaala. Inzya.

¹⁴⁵ “Elyo mpaawa Jehova wayanda kabelele ka cituuzyo, ka cibi. I basimakwebo, ba kkalaa mu madolopo awa alimwi bala—bala sambala mbono zyabo, a—a zimwi zimbi, zipange zyabo a zisambalwa, alimwi kufumbwa nzyo bayo sambalila. Taba komezyi tubelele. Elyo ino bapaizi bakacita nzi? Kayaka kasanza kuniini kutala okuya, kuti kaba sambalila tubelele, kutegwa muntu oyu kakonzye kunjila, kusalazyu buntu bwakwe kuli Jehova.

¹⁴⁶ “Ino oyu mulombwana, Jesu waku Nazareta, wakacita nzi? Ino Wa kazwa ku mbungano nzi? Ino nkabungwe nzi Nkwa zulilwa? Ino nka kkaadi ka luswaanano nzi? Tuyo Mu tanda. Ta tukabi a cintu cakucita a Nguwe, nkaambo Uta patila umwi aumwi wesu. Ino Wa kacita nzi? Wa kaunka kutala okuya a kubweza ceeco, oko bantu nkoba sola kufutula buntu bwabo, mbungano,” mbuli mbo tunga twa yiita sunu, nobantu basimizeeo ya kumuuya, “Wa kabbompa tafula, kawaala ecenji; kabweza ntambo a kuziluka antoomwe, a ku batandila anze; a kwiita oyo mupaizi wako mudaala munaleza, ‘mwana wa dyabulosi,’ oyo mudaala sibuuya waka kuloonesya mali ayo cindi nokali mu penzi.

¹⁴⁷ “Nguni uyo kwiiminina a ku kuzikka cindi wa kufwa? Oyo mupaizi sibuuya mudaala. Walo ujisi micelo ya Muuya. Pele sa oyu Jesu waku Nazareta uli jisi micelo ya Muuya?”

¹⁴⁸ To konzyi kubeteka kwiinda ku kwaambaula mu myaambo, akwalo tokonzyi kubeteka kwiinda ku micelo ya Muuya. Pele nkuyubunuka kwa Ijwi lya Leza, lya kaletwa ku Mumuni. Walo Mumuni uucicita.

I muntu oyo weenda mu Mumuni oyo! Jesu Kristo takaa janwa aa kwaambaula mu myaambo, nekubakuti Wa kacicita. Ta kali mucelo wa Muuya, nekubakuti Wa kacita. To kakonzya kucibeteka. Pele Wa kasyoma aku Li zamina, alimwi Leza waka lipona Ijwi lyoonse lya cisyomezyo lya buzuba obo kwiinda muli Nguwe. Oyo ngo Mumuni wa oora. Eco nce citondezyo.

¹⁴⁹ Cindi bantu ba ndaambila kuti Muuya Uusalala ubawida uyo kaka Ijwi lya Leza kuba boobo, kuli cintucimwi cilubide a ncico. Kuli cintucimwi cilubide ku maseminari esu, azimwi zimbi, cindi ba yiisyia muntu lwiiyo olu loonse lwabukombi lwaku sungilizigwa kuzumina a zintu zya sunu. Balo bantu inga bacita nciconya kulwana Ijwi lya Leza, a kubasololela moonya mu cijailo eco ca bupaizi kumusanza okuya, baa, nincobeni, cili lubide.

¹⁵⁰ Nda caamba eco mu Zina lya Mwami! Amu langilile a kubona ikuti na Tacili ca bwini, Mumuni, Mumuni wa oora!

¹⁵¹ Oto tuyanza twa bukombi tutontola tatu konzyi kuleta butebuzi. Twe elede kuba a Mbungano yaka sanzigwa mu Bulowa bwa Kabelele, a kuba bomwe a Ijwi, kuba Mbungano.

¹⁵² Kubekema kwa mbungano ya buzuba obuno, Jesu wa kaamba, kuli mukucenga maningi, “kutandila Basale ikuti nikwali kukonzeka.” Basale buyo! “Pele mbuli mbo kwakabede mu mazuba akwa Nowa, cindi bantu bali lusele niba kafutulwa, mbubonya mbo ciya kuba mu Kuboola kwa Mwana wa muntu.” Basyoonto, loko loko bayo futulwa ku ciindi eco.

¹⁵³ Ino cicita nzi? Ci lasololela nkoonya ku cijailo. Tu jana ceeco mu mudima oyu uliko ciindi notupona. Ndili mukujala, mu kwaamba ceeci. Mu mudima oyu uuliko eno mu cindi notupona, mazuba aya nge tuponamo eno, cindi Mumuni waka tondezegwa ku majulu, Wa katondezegwa awa akati, kale, ku tutondezya; katondezegwa kwiinda ku Bbaibbele, aa Zinamatizyo zili Ciloba, eco cakali kucitika. Elyo mpaawa Leza wa cilungulula nkoonya ku julu, kuseluka ncobeni a kucilungulula aa nyika. Elyo mambungano kaeenda moonya muli ncico!

¹⁵⁴ Nguni uyo vuna Nabwiinga oyo muniini uubamba Ijwi mpawo? Ncinzi ciyo citika kuli Nguwe cindi Aku tondezegwa mu kutontola, kali Alikke? Ta katontoli, Ijwi lyaka simpikizigwa lya cisyomezyo buzuba obuno. Oh, iyi. Cili mbuli ii . . .

¹⁵⁵ Cila nyonganya, Ndi lizi cila cita, ku bantu, kubona mbungano kwaamba buyo kuti, “Ee, citandila buyo kuba cintu nciconya.” Jesu wakati ciyooba mu nzila eyo. Ci yooba, mane, “Ciyo cenga mbabonya Basale ikuti nikwali kukonzeka.” Oh, iyi. Iyi, munene.

¹⁵⁶ Cindiyeezya buyo mulombwana mu Florida, kutali ciindi cilamfu cainda. Wa kali kwaambaula, kati wa kajisi mootokala wa Chevrolet oyo waka mutola mu Florida, a kuti wa kaumutola ku garaji. Elyo oyu makkaniwa wakali kwendeenda, elyo wa kabikka zintuzyonse antoomwe, alimwi ta kakonzya katalisya kulila. Wa kabikka zintuzyonse muli nguwo, nzya kakonzya. Wa kabukulusya zintu ezi zyoonse zyandeene, pele, cintucimwi cimbi, tii cabeleka ncobeni. Elyo ta kakonzya kwiitalisya kulila. Wa kazumanana buyo kusola a kusola. Makkaniwa muniini waka libilika, kazuza koonse, ku buyake, kabweza ceeci.

¹⁵⁷ Elyo mwaalumi wakaimvwi, wakati, "Ndi lindila mootokala wangu, munene. Nda muka. Sa tokonzyi kwiibamba?"

¹⁵⁸ Wa kati, "Ndili mucita koonse Nkwe konzya kucita," kulibilika loko a kulilemeka bumwi. Elyo wa keenda ambali.

¹⁵⁹ Cigaminina mulombwana wakasamide kabotu wakeenda kumbele a kumulanga ziindi zisyoonto, elyo wa kati ku makkanika, nakamana kumuleke kuuma mutwe wakwe konse asyonto, wakati, "Nkaambonzi togumi buyo ceeci? Toli mukuba a magesi ali onse."

¹⁶⁰ Aboobo wa kati, "Nse sola kuyeeya ceeco." Aboobo wa kanyona buyo cintu eco cimbi ciniini, kufumbwa mbo cakabede okuya, elyo wa kajazy a-i magesi mukati, mootokala wakatalika.

¹⁶¹ Wa kanyona a kuti, "Ino nduweni?" Nywebo mulizi na wakali ni? I injiniya mupati wa i-wa General Motor. Wa kacipanga cintu. Wa kacaanza.

¹⁶² Mu oora eli, mukwesu, cindi twa libuzya penzi ku lubukulusyo lwesu, ndipenzi nzi? Tuli jisi cibelesyo a zintuzyonse, tuli jisi bupange, pele zili kuli Insana? Nce ncico nco tu yandikana, kweenzya Jesu Kristo aa cilao. Ino ndipenzi nzi? Nda mwaambila, kuli Umwi awa sunu, aleluya, uutegwa Muuya Uusalala, ukonzya kuguma Insana. Walo ni Insana zya bupange.

¹⁶³ Tula ima sunu, swebo toba Pentekoste, bamwi ba mambungano mapati maningi mu cisi, zyuulu taimuzi zyuulu zya kayungizya mwaka aumwi, pele uli kuli oyo Muuya Uusalala? Twa utambula, kwiinda ku kwaambaula mu myaambo, alimwi twa kaubona nzila mbo cakacita. Methodisti ya uzumina, kwiinda mu koongolola. Luther ula uzumina, ku lusyomo, azimwi zimbi mbuli zeezyo. Oyo tauli Nguwo.

¹⁶⁴ Ndi Ijwi! Ndi Ijwi lya yasigwa, Mumuni wayasya bupange nkabela bwaba Insana. Ni Insana, cindi Insana, cindi Insana zyasika ku bupange. Zitalisya cintu kupumbulika. Mbo mbubo. Bweza Ijwi. Ikuti na kuli cintu comwe ciniini citawo, ali Ndilyo, ta cika taliki. Bikka ambali zicelezya zyoonse, toonse tukamu twa zilengwa zyabuyo, kayanza koonse kabuzumini, ezyo ni Insana, i Muuya Uusalala, kuti ukunke kwiinda mu Ijwi a kusimpikizya Ijwi eelyo lyaka syomezegwa ku buzuba obuno; mpawo Mbungano mpati ya Leza iyo buka ku matende aayo mbuli ndeke yeenzegwa mbuli jeeti, kuulukila mu milengalenga kuyo swaana Simalela wakwe. Mbo mbubo ncobeni. Kusikila tuka cite ceeco, ta cikabeleki. Eco nce ncico. Iiyi, munene. Nguni uyo cicita? Nguni uyo cibamba mu buzuba obuno mbo tuyeeya? Yeeya, yeeya, mukwesu.

¹⁶⁵ Lino cindiyeezya kaano kambi kaniini. Kutali kujokela ku twaano, pele mweenzuma wangu wakaliimvwi mu Carlbard, New Mexico, cindi nitwa kali kokuya katu cita muswaangano kutala

ku Carsbad. Elyo kwakali nkamu ya bantu baka selemukila mu mpangala eyi.

¹⁶⁶ Oh, Nse—Nse kacita mbuli zintu ezyo, kumusanza oko kule kuyaansi, a kutandila maile mu bulongo. Mebo, Ndili kkutilide kutala awa. Aboobo, ba kaselemu moonse. Ndi yanda kuya mujulu maningi, kutali ansi loko. Aboobo Ndi . . .

¹⁶⁷ Ba kabweza oyu mulombwana, kaselemukila omuya. Elyo wa kali mwaalumi mweenzinyin, a musimbi wakwe muniini a mulombe muniini bakaunka ansi a mbabo. Elyo—elyo baka selemuka ansi kapati mu ng’anda mpati yaansi, oh, Nda yeeyela, myaanda a myaanda a myaanda ya tukokola kunsi lya mulyango wa nyika, kaselemukila omuya. Elyo mwaalumi wakali munsi lya swicci, mpoonya awo [Mukwesu Branham wanontola munwe wakwe—Mul.] wakazima swicci. Elyo kwakali kusiya amudima loko, mane tokonzyi akwalo kubona janza lyako kali yaansi kumbele lya busyu bwako. Musimbi muniini, muntu muniini, waka yoowa loko. Waa katalika kukwiila agolela jwi lyakwe, “Oh, kula siya! Kula siya! Kula siya,” kukwiila cakulibilika.

¹⁶⁸ Munyina muniini waka liimvvi. Wa kakwiila mu mudima, wa kati, “Uta yoowi, omucizi muniini, kuli muntu awa ukonzya kuyasya mumuni.”

¹⁶⁹ Aleluya! Ino Mbungano niini iyo cita nzi? Muta pengi. Ngooyo Muntu awa sunu ukonzya kuyasya Mumuni, oyo ngu Mwami Jesu Kristo. Oh, inzya. I Mwami Jesu Kristo!

¹⁷⁰ Amuyeeeye, boofu . . . i—i bantu bavubi mu mazuba akuzyalwa kwa Jesu, tiiba kazimwa a koofwaazigwa ku kubekema kwa Jerusalema cindi niba kasika okuya, kababuzya kujatikizya Nguwe. Lwiyo lwabo lwabukombi—lwiiyo lwabukombi tii lwaka konzya kucipandulula. Pele cindi niba kanyonena ambali, baka Uccilila ku Mumuni wa Buumi Butamani.

¹⁷¹ Nywebo nobasimakwebo sunu, muta langilili kubekema kwa tubunga otu, pele amu jatilile ku Ijwi. Liyo musololela ku Mumuni. Uta yoowi, omucizi muniini, ngooyo Muntu awa Walo ukonzya kuyasya Mimuni. Ngooyo Kristo awa Walo ukonzya kubamba Ijwi Lyakwe kupona mbubonya buyo Mbwa kabede kaindi, kali simpikizya Mwini kuti Ngu mbobuca nguwenya, sunu, amuya myaaka. Sena mula kusyoma?

A twiimikile.

¹⁷² Ndi jisi maminiti ali kkumi aosanwe nketana kwiinka ku muswaangano uutobelua. Sa inga wayanda kunyamuna maanza ako a kwaamba, “Leza, komunika mumuni aali ndime, cifumo cino. Ndali syoma Ijwi. Nda busyoma bupange. Bikka Insana muli ndime, Mwami”? Nyamuna maanza aako a koompolola kuli Nguwe kuti, “Mwami, ko yasya Mimuni!” Ngooyo Muntu awa walo ukonzya kuyasya Mimuni. Tuli fwide, mu kkomunizimu, a kuligwa ku misyobo yoonse ya nsabaandwa zya tubunga,

pele ngooyo Muntu awa Walo ukonzya kuyasya Mimuni. Oyo Muntu ngu Muuya Uusalala, Mwini, Jesu Kristo wayubululwa mu Muuya!

¹⁷³ Mwami Jesu, koguma lmwi alimwi lya maanza aya; kutali maanza buyo, pele koendela aa kuboko kusika ku moyo, akuyasya Mumuni wa Makanimabotu. Mu Zina lya Jesu! 

KO YASYA MUMUNI TNG64-0125
(Turn On The Light)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo kuseeni, Mukazimaziba 25, 1964, ku kalimbabula ka Full Gospel Business Men's Fellowship International ku Ramada Inn mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisycintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org